

永樂大典

卷四百八十

# 永樂大典卷之四百八十 一東

## 忠 忠義十五

遼史耶律曷魯傳。太祖爲于越東國政。欲命曷魯爲送刺部夷離董。辭曰。賊在君側。未敢遠去。耶律敵魯字陽隱。孟父楚國王之後。性質直。多膂力。察割作亂。敵魯聞之。入見壽安王。慷慨言曰。願得精兵數百破賊黨。王嘉其忠。討古字括寧。性忠簡。應歷初。始入侍會。冀王敵烈宣徽使海思謀反。討古與耶律阿列審告於上。上嘉其忠。耶律海里字留隱。令撻拔里得之。長子察割之亂。其母的魯與馬遣人召海里。海里拒之。蕭撻寧字馳寧。幼敦厚。有才畧。通天文。統和十二年。爲阻卜都詳穩。凡軍中號令。太妃並委撻寧。師還。以功加兼侍中。封蘭陵郡王。十五年。敵烈部人殺詳穩而叛。道于西北荒。撻寧將輕騎逐。因討阻卜之未服者。諸蕃歲貢方物。充于國。自後往來若一家焉。上賜詩嘉獎。蕭幹。小字瑱烈。字婆典。北府宰相敵魯之子。性質直。初察割之亂。其黨胡古只與幹善。使人召之。幹曰。吾豈能從逆臣。縛其人送壽王。王賊平。上嘉其忠。太宗紀。天顯十一年。

### 永樂大典卷四百八十

冬十一月。自戊戌至戊申。候騎兩奏南有兵至。復奏西有兵至。命惕隱迪輦注拒之。唐將張敬達在圍八十餘日。內外隔絕。軍儲殆盡。至濯馬糞。屑木以飼馬。馬饑至相啖其駿尾。死則以充食。楊光遠等勸敬達出降。敬達曰。吾有死而已。爾欲降。寧斬吾首以降。閏月甲子。楊光遠安審琦殺敬達以降。上聞敬達至死不變。謂左右曰。凡爲人臣當如此也。命以禮葬。金史列傳樂共子曰。民生於三。事之如一。唯其所在。則致死焉。公卿大夫居其位。食其祿。國家有難。在朝者死。其官守郡邑者死。城郭治軍旅者死。行陣中。井草野之臣。發憤而死。皆其所也。故死得其所。則所欲有基於生者焉。金代褒死節之臣。既贈官爵。仍錄用其子孫。貞祐以來。其禮有加。立祠樹碑。歲時致祭。可謂至矣。聖元詔脩遼金宋史。史臣議凡例。凡前代之忠於所事者。請書之。無諱。朝廷從之。烏序仁哉。聖元之爲政也。司馬遷記豫讓對趙襄子之言曰。人主不掩人之美。而忠臣有成名之美。至哉斯言。聖元之爲政。足爲萬世訓矣。作忠義傳。胡沙補完顏部人。年三十五從軍。願見任用。太祖使僕剌剌往遼國。請阿疎實觀其形勢。僕剌剌還。言遼兵不知其數。太祖疑之。使胡沙補往。還報曰。遼方調兵。尚未大集。及見統軍。使其孫被甲立於傍。統軍曰。人謂汝輩且反。故爲備耳。及行道中。遇渤海軍。

渤海軍向胡沙補且笑且言曰。聞女直欲爲亂。汝輩是邪。具以告太祖。又曰。今舉大事不可後時。若俟河凍。則遼兵咸集。來攻矣。乘其未集而登伐之。可以得志。太祖深然之。及破寧江縣。戰于達魯古城。皆有功。賜以旗鼓。并御器械。高永昌請和。胡沙補往招之。取胡突古以歸。高永昌詐降于幹魯幹。魯便胡沙補撤八往報。會高禎降。言永昌非貞降者。幹魯乃進兵。永昌怒。遂殺胡沙補。撤八皆支解之。胡沙補就執。神色自若。罵永昌曰。汝叛君逆天。今日殺我。明日及汝矣。罵不絕口。至死。年五十九。天會中與撤八俱贈遙鎮節度使。特虎。雅捷。瀾水人。軀幹雄偉。敢戰鬪。達魯古城之役。活女陷敵。特虎救出之。攻照散城。遼兵三千來拒。特虎先登。敗之。攻盧葛營。麻吉墮馬。特虎獨殺遼兵數輩。掖而出之。賞賚逾渥。自臨潢班師。至遼河。余睹來襲。婁室已引去。特虎獨殿。馬憊乃步鬪。婁室與數騎來救。特虎止之曰。我以一死捍敵。公勿來。俱斃。無益。遂沒於陣。皇統間。贈明威將軍。僕忽得宗室子。初事國相。撤改伐。蕭海里。有功。與酬幹俱招降。燭恨水部。族。酬幹爲謀克。僕忽得領行軍千戶。從破黃龍府。戰于達魯古城。皆有功。寧江縣。渤海乙塞補叛。僕忽得追復之。天輔五年九月。酬幹僕忽得往。斃古阿籍軍馬。燭恨水部。實里古達等七人。殺酬幹僕忽得。投其尸水中。俱

年四十三。太祖悼惜。遣使弔賻。加等六年正月。幹魯伐實里古達于石里罕河。道及於合達刺山。殺四人。撫定餘衆。詔幹魯求酬幹僕忽得尸以葬。天眷中。贈酬幹奉國上將軍。僕忽得昭義大將軍。酬幹亦宗室子也。年十五。隸軍從太祖伐遼。率濤溫路兵。招撫三坦石里狼跋。若三水。鶯古城。邑皆降之。賊室韋五百于阿良葛城。獲其民衆。至是死焉。粘割韓奴。以護衛從宗。獨征伐。賜鎧甲弓矢。戰馬。初太祖入居庸關。遼林牙耶律大石。自古北口亡去。以其衆來襲。奉聖州。壁于龍門東二十五里。婁室往取之。獲大石。并降其衆。宗望襲遼主。輜重于青塚。以大石爲鄉導。詔曰。遼趙王習泥烈。林牙大石。比王喝里質。節度使訛里剌。李董赤。狗兒。招討迪六。詳穩。爲鄉導。有勞。可明諭之。特天輔六年也。既而亡去。不知所往。天會二年。遼詳穩。捷不野來降。言大石稱王於北方。署置南北面官僚。有戰馬萬匹。畜產甚衆。詔曰。追襲遼主。必酌事宜而行。攻討大石。洎俟報下。三年。都統完顏希尹言。聞夏人與耶律大石約曰。大金既獲遼主。諸軍皆將歸矣。且合兵以取山西。諸部。詔荅曰。夏人或與大石合謀。爲釁。不可不察。其嚴備之。七年。泰州路都統。婆盧火奏。大石已得北部二營。恐後難制。且近群牧。宜



# 永樂大典

## 卷四八〇

列也。戊詔各曰。以二營之故。發兵諸部。必擾當謹斥候而已。八年遣耶律  
余睹。石家奴。援遼遠。追討大石。徵兵諸部。諸部不從。石家奴至兀納水而  
還。余睹報元帥府曰。聞耶律大石在和州之域。恐與夏人合。當遣使索之。  
夏國報曰。小國與和州壤地不相接。且不知大石所往也。皇統四年。回紇  
遣使入貢。言大石與其國相鄰。大石已死。詔遣韓奴與其使俱往。因觀其  
國風俗。加武義將軍。奉使大石韓奴去後。不復聞問。大定中。回紇移習覽  
三人至西南。招討司貿易。自言本國。回紇都括者部。所居城名。骨斯訛魯  
朵俗。無兵器。以田爲業。所獲十分之一輸官。耆老相傳。先時契丹至不能  
拒。因臣之。契丹所居也。營。乘馬行。自旦至日中始周匝。近歲契丹使其女  
婿阿本斯領兵五萬。北攻葉不鞏等部族。不克而還。至今相攻未已。詔曰。  
此人非隸朝廷。番部不須發遣。可於咸平府。舊有回紇人。中安置。毋令失  
所。是歲。粘拔思君長撒里雅寅特斯。率康里部長李古。及戶三萬餘。求內  
附。乞納前大石所降牌印。受朝廷牌印。詔西南招討司遣人尉問。且觀其  
意。禿里余睹通事阿魯帶至其國。見撒里雅具言。願歸朝廷。乞降牌印。無  
他意也。因曰。往年大國嘗遣粘割韓奴自和州往。使大石既入其境。大石  
方適野與韓奴相遇。問韓奴何人。敢不下馬。韓奴曰。我上國使也。奉天子  
之命。來招汝降。汝當下馬聽詔。大石曰。汝單使來欲事口舌耶。使人掉下  
使韓奴跪。韓奴罵曰。反賊。天子不忍於爾。加兵遣招汝。爾縱不能面縛請  
罪闕下。亦當盡敬天子之使。乃敢反加辱乎。大石怒。乃殺之。此時大石林  
牙已死。子孫相繼西方。諸部仍以大石呼之。余睹阿魯帶還奏。并奏韓奴  
事。世宗嘉韓奴中節。贈昭毅大將軍。召其子永和縣。角酒都監詳古。汝州  
巡檢婁室。諭之曰。汝父奉使萬里。不辱君命。能盡死節。朕甚閔之。以詳古  
爲尚輦局直長。遷武義將軍。婁室爲武器署直長。曹珪。徐州人。大定四  
年。州人江志作亂。珪子弼在賊黨中。珪謀誅志。并弼殺之。尚書省議當補  
二官。雜班叙。詔曰。珪赤心爲國。大義滅親。自古罕聞也。法雖如是。然未足  
以當其功。更進一官。正用班之。溫迪罕蒲睹。爲兀者群牧使。西北路契  
丹撒八等反。諸群牧皆應之。蒲睹聞亂作。還家奴材勇者數十人。給以兵  
仗。陰爲之備。賊不得發。乃給諸奴曰。官關兵器。願借兵仗。以應闕。諸奴以  
爲實然。遂借與之。明旦賊至。蒲睹無以禦之。賊執蒲睹而問之曰。今欲反  
未。蒲睹曰。吾家世受國厚恩。子姪皆仕宦。不能從汝。反而累吾族也。賊怒  
嚙而殺之。子與孫皆與善。是時迪幹群牧使徒單賽里副使赤蓋胡失谷  
耶魯瓦群牧使鶴壽歐里不群牧完顏朮里骨副使完顏辭不失。卜迪不

部副使亦蓋胡失賴速木典札詳穩加古買住胡睹札詳穩完顏速沒葛轄木札詳穩高彭祖等皆遇害。鶴壽鄆王昂子本名吾都不。五院部人。老和尚率衆來招鶴壽與俱反。鶴壽曰。吾宗室子。受國厚恩。寧殺我不能與賊俱反。遂與二子皆被殺。訛里也。契丹人。爲尚廐局直長。大定初。招諭契丹窩斡。叱令訛里也跪見。訛里也不從。謂曰。我朝廷使也。豈可屈節於汝等。早降可全性命。若大軍至。汝輩悔將何及。窩斡怒曰。汝本契丹人。而不我從。敢出是言。遂害之。從行驍騎軍士閻孫史大。習馬小底。頗谷。皆被害。三年。贈訛里也宣武將軍。錄其子阿不沙爲外帳。小底。閻孫史大。皆贈修武校尉。頗谷。贈忠翊校尉。納蘭禕赤。咸平路。伊改河猛安人。契丹括里使人招之。禕赤不從。括里兵且至。禕赤遂團結附近村寨爲兵。出家馬百餘匹給之。教以戰陣擊刺之法。相與拒括里于改渡口。由是賊衆月餘不得進。既而括里兵四萬人大至。禕赤拒戰。賊兵十倍。遂見執。嚮而殺之。詔贈官兩階。二子皆得用廢。魏全。壽州人。泰和六年。宋李英圍壽州。刺史徒單義盡籍城中兵民。及部曲廝役。得三千餘人。隨機拒守。堅甚。義善撫御。得衆情。雖婦人皆樂爲用。同知蒲烈古。中流矢卒。義益勵不衰。募人往斫英營。全在選中。爲英兵所執。英謂全曰。若爲我罵金主。免若死。全至城下。反罵宋主。英乃殺之。至死罵不絕口。僕散揆遣河南統軍判官乞住。及買哥等以騎二十人救壽州。去壽州十餘里。與英兵遇。乞住分兩翼夾擊。英兵大潰。斬首萬餘級。追奔至城下。拔其三柵。焚其浮梁。義出兵應之。英兵大潰。赴淮死者甚衆。英與其副田林。僅脫身去。餘兵脫者十之四。詔遷義防禦使。乞住同知昌武軍節度使事。買哥河南路統軍判官。贈蒲烈古昭勇大將軍。官其子圖剌。贈全宣武將軍。蒙城縣令。封其妻爲鄉君。勝在州官舍三間。錢百萬。俟其子年至十五歲。收充八貫石正班局分承應用。所贈官。仍以全死節送史館。鑄版頌論天下。鄆陽宗室子。爲符寶祗候。完顏石古乃。爲護衛十八人長。至寧元年八月。訖石烈執中作亂。入自通玄門。是日變起倉猝。中外不知所爲。鄆陽石古乃往天王寺。召大漢軍五百人赴難。與執中戰於東華門外。執中揚言曰。大漢軍反矣。殺一人者賞銀一錠。執中兵衆大漢軍少。二人不勝而死。湏臾。執中兵殺五百人。殆盡。執中死。詔削官爵。詔曰。宣武將軍護衛十八人長完顏石古乃。修武校尉符寶祗候鄆陽忠孝勇果。沒于王事。石古乃。贈鎮國上將軍。順州刺史。鄆陽贈宣武將軍。順天軍節度副使。嘗從拒戰。猛安賞錢五百貫。謀克三百貫。蒲鞏散軍二百貫。各遷兩階。戰沒者。贈賞付其家。石古乃子尚幼。以八



貫石俸給之。俟年十五以聞。夾谷守中咸平人。本名阿土古。大定二十二年進士。歷清池。聞喜主簿。補尚書省令史。除刑部主事。監察御史。修起居注。轉禮部員外郎。大名治中。歷嵩。琢。北京。臨洮。路按察副使。以憂去官。起復。同知曷懶路兵馬都總管府事。坐事謫。韓州刺史。尋復。同知平涼府事。大安二年。為秦州防禦使。遷通遠軍節度使。至寧末。移彰德軍。未行。夏兵數萬人。入鞏州。守中棄城備守。兵少不能支。城陷。官吏盡降。守中獨不屈。夏人壯之。且誘且脅。守中益堅。遂載而西。至平涼。要以招降府人。守中佯許。至城下。即大呼曰。外兵矢盡且遁矣。慎勿降。夏人交刃殺之。興定元年。監察御史郭著。按行秦中。得其事。以聞。詔贈資善大夫。本京留守。仍收其子兀母。為筆硯承奉。石抹元毅。本名神恩。咸平府路酌赤烈猛安。莎果歌仙謀克人也。以廕補吏部令史。再調景州。寧津令。有劇盜白晝劫。為民害。元毅以術防捍。賊散去。入為大理知法。除同知亳州防禦使事。被省檄。錄陝右五路刑獄。無冤人。復委受宋歲幣故事。有私遺物。元毅一無所受。明昌初。驛召為大名等路提刑判官。以最遷汾陽軍節度副使。時石嵐間賊黨。肅聚肆行剽掠。朝廷命元毅捕之。賊畏而遁。元毅追襲盡殪之。二境以安。遷同知武勝軍節度使事。別部有殺人者。屢鞠不伏。元毅訊不數

語。即具服。河東北路田多。山坡饒瘠。大比。特定為上賦。民力久困。朝廷命相地更賦。元毅以三壞法平之。民賴其利。改彰德府治中。尋以邊警。授撫州刺史。會遣將失守。芻糧馬牛。焚剽殆盡。元毅率更卒三千餘人出州。經畫軍餉。卒與敵遇。州倅暨從吏。堅請還。元毅曰。我輩責任邊守。遇敵而奔。其如百姓何。縱得自安。復何面目朝廷乎。遂執弓矢。令眾感其忠。爭為效死。元毅力戰。射無不中。敵去而復合。元毅氣愈厲。鏖戰久之。眾寡不敵。遂遇害。時年四十七。事聞。上深驚悼。贈信武將軍。召用其子世勳。侍儀司承應。世勳後登進士第。奏名之曰。上謂宰臣曰。此神恩子耶。數賞者久之。元毅性沉厚。武勇過人。每讀書。見古人忠義事。未嘗不嗟嘆賞慕。喜動顏色。故臨難能死。所事云。伯德梅和尚。秦州人也。性鯁直。尚氣節。正隆五年。收充護衛。授曷魯挽群牧副使。未幾。復召為護衛十人長。改尚廐局副使。遷本局使。轉石衛將軍拱衛使。典尚廐者十餘年。積勞。特遷官二階。除復州刺史。明昌初。為西北路副招討。改秦州防禦使。升武勝軍節度使。六年。移鎮崇義軍。時有事北邊。左丞相夾谷清臣。行者于臨潢。檄為副統。會敵入臨潢。梅和尚暨護軍闕合土等領軍逆擊之。敵積陣以待。梅和尚直擣其陣。殺傷甚眾。敵知孤軍無繼。聚兵圍之。度不能免。乃下馬相背射。復殺

百餘人。矢盡猶以弓提擊。為流矢所中死。賜合土等皆沒。上聞之震悼。詔贈龍虎衛上將軍。躡遷十階。特賜錢二十萬。命以禮葬之。物皆官給。以其子都奴為軍前。猛安中奴護喪。就差權同知臨潢府事。李達可為勅祭使。同知德昌軍節度使事。石林和尚為勅葬使。承安五年。上諭尚書省曰。梅和尚死王事。其子都奴從軍久有功。其議所以酬之。乃命為典署丞。烏古孫兀也。上京路都人。大定末。襲猛安。明昌七年。以本兵充萬戶。備邊有功。除歸德軍節度副使。改盤安軍。察廉遠同知。連頓路節度使事。以憂去官。起復歸德府治中。遷唐州刺史。泰和六年四月。宋皇甫斌步騎萬人侵唐州。兀也兵甚少。遣泌陽尉白撒不。巡檢蒲閣。各以五十人乘城拒守。兀也見宋兵在城東北者可破。令軍事判官撒虎帶以精兵百人自西門出。繞出東北。宋兵營後掩擊之。殺數十百人。宋兵大亂。殆夜乃遁去。五月。皇甫斌復以兵數萬來攻。行省遣泌陽副巡檢納合軍勝救唐州。兀也出兵與軍勝合兵。城東北設伏兵以待之。乃分騎兵為三。一出一入。以致宋兵。宋兵陷于淖。伏兵發。中衝宋兵為二。遂大潰。追奔至湖陽。斬首萬餘級。獲馬三百匹。宋別將以兵三千來襲。遇之竹林寺殪之。納合軍勝手殺宋將。取其金帶印章以獻。詔遷兀也同知河南府事。軍勝遷梁縣令。各進兩

宋樂大典卷四百八十

階。兀也賞銀三百五十兩。重綵十端。為右副元帥。完顏左右翼都統。臣取襄陽。遣兀也襲神馬坡。宋兵五萬人夾水陣以強。弩拒岸。兀也分兵奪其三橋。自辰至午。連拔十三橋。遂取神馬坡。從攻襄至漢江。兀也亂流徑度。復進一階。號平南虎威將軍。宋人請和。遷河南副統軍。大安初。遷昌武軍節度使。副統軍如故。遷西南路招討使。兀也御下嚴酷。軍士多亡。杖六十。除同知上京留守事。大安三年。將兵二萬入衛中都。遷元帥右都監。轉左都監。兼北京留守有功。賜金吐鶻重綵十端。遷元帥左監軍。留守如故。真祐元年閏月。以兵入衛中都。詔以兵萬六千人守定興。軍敗。兀也戰沒。高守約。字從簡。遼陽人。大定二十八年進士。累官觀州刺史。大元兵徇地河朔。郭邦獻以歸順。從至城下。呼守約曰。從間當計全家室。守約弗顧。至再三。守約厲聲曰。吾不汝識也。城破被執。使之跪。守約不屈。遂死。詔贈崇義軍節度使。謚忠敬。和速嘉安禮。字子敬。本名酌。大名路人。穎悟博學。淹貫經史。大定二十八年進士。至寧末。為泰安州刺史。真祐初。山東被兵。郡縣望風而遁。或勸安禮去之。安禮曰。我去城誰與守。且避難負國家之恩乎。乃圍練繕完。為禦守記。已而大元兵至。戰旬日不能下。謂之曰。此孤城耳。內無糧儲。外無兵援。不降無遺類矣。安禮不聽。城破被執。初不識



# 永樂大典

## 卷四八〇

其為誰。或妄以酒監對。安禮曰。我刺史也。何以諱為使之跪。安禮不屈。遂以戈撞其背而殺之。詔贈奉定軍節度使。謚堅貞。王維翰。字芝翰。利州龍山人。父庭遷。李率。縣人。保縣東山。後以泉降。維翰好學不倦。中大定二十八年。進士。調貴德州軍事判官。蔡養遷永霸令。縣豪欲嘗試維翰。設事陳訴。維翰窮竟之。遂伏其詐。杖殺之。健訟衰息。歷弘政。獲嘉令。佐胥持國。治河決有勞。遷一階。改北京轉運戶籍判官。補尚書省令史。除同知保靜軍節度使事。檢括戶籍。一郡稱平。屬縣有奴殺其主人者。誣主人弟殺之。刑部疑之。維翰審獄。乃微行物色之。得其狀。奴遂引服。改中都轉運副使。攝侍御史。奏事殿中。章宗曰。佳御史。就除侍御史。改左司員外郎。轉右司郎中。僕散揆伐宋。維翰行省左右司郎中。泰和七年。河南旱蝗。詔維翰體究田禾分數以聞。七月。兩復詔維翰曰。兩維需足。秋種過時。使多種蔬菜。猶愈於荒萊也。蝗蝻遺子。如何可絕。舊有蝗處。米歲宜菽麥。諭百姓使知之。八年。宋人受盟。還為右司郎中。進官一階。上問宋人請和。復能背盟否。維翰對曰。宋主怠于政事。南兵挑弱。兩淮兵後千里蕭條。其臣懲韓侂胄。蘇師旦。無復敢執其咎者。不足憂也。唯北方當勞聖慮耳。久之。遷大理卿。兼路王傅。同知審官院事。新格教坊樂工。階至四品。換文武正員。服金紫。

維翰奏伶優賤工。衣緡紳之服。非所以尊朝廷也。從之。大安初。權右諫議大夫。三司欲稅閒架。維翰諫不聽。轉御史中丞。無何。遷工部尚書。兼大理卿。改刑部尚書。拜叅知政事。貞祐初。罷為定海軍節度使。是時道路不通。維翰舟行遇盜。呼謂之曰。爾輩本良民。因亂至此。財物不惜。勿恐吾家。盜感其言而去。至鎮無兵備。鄰郡皆望風奔潰。維翰謂吏民曰。孤城不可守。此州阻山浮海。當有生地。無俱魚肉也。乃縱百姓避難。維翰率吏民願從者奔東北山。結營堡自守。力窮被執。不肯降。妻姚氏亦不肯屈。與維翰俱死。詔贈中奉大夫。姚氏為國夫人。謚貞潔。移剌古與涅。安化軍節度使。貞祐初。大元兵取密州。古與涅率兵力戰。流矢連中其頸。既拔去。復中其頰。死焉。貞祐三年。詔贈安遠大將軍。知益都府事。宋泉中都完平人也。正隆五年。進士。歷辰州寧化州軍事判官。曹王府記室。叅軍。陝西西路轉運都勾判官。補尚書省令史。除武定軍節度副使。中都右警巡使。時固安縣丞劉招與部民裴原爭買鄰田。裴原用昭屬。招原使母爭。御史臺劾奏。奪一官。解職降廣寧府推官。改遼東路鹽使。丁父憂。起復吏部員外郎。歷蘇曹景州刺史。同知中都路轉運使事。遷北京臨潢等路按察使。改安國軍節度使。河東南路轉運使。御史劾其前任。按察侵民舍不稱職。降沂州防



禦使。移潘州遷山東西路轉運使。改定海軍節度使。貞祐二年。改沁南軍。正月大元兵至懷州。城破死焉。奉天資刻酷。所至不容物。以是蹭蹬於世。云。為古論榮祖。本名福興。河間人。明昌二年進士。歷官補尚書省令史。除都轉運司都勾判官。轉弘文校理。升中都總管府判官。察廉除震武軍節度副使。彰德府司馬。累遷戶部員外郎。寧海州刺史。貞祐二年城破。榮祖猶力戰死之。贈安武軍節度使。賜諡毅勇。烏古論仲溫。本名胡剌。蓋州按春猛安人。大定二十五年進士。累官大學助教。應奉翰林文字。河東路提刑判官。改河北東路轉運副使。御史薦前任提刑。稱職。遷同知順天軍節度使事。簽上京東京等路按察司事。改提舉肇州漕運。兼同知武興軍節度使事。東勝州刺史。生前在上京不稱職。降鎮寧軍節度副使。改滑州刺史。河東南路按察副使。壽州防禦使。貞祐初。遷鎮西軍節度使。是時中都被圍。遂至太原。移書安撫使賈益謙。約以鄉兵救中都。因馳驛如平陽。將與益謙會于絳。不能進。抵平陽而還。仲溫嘗治平陽。吏民爭留之。仲溫曰。平陽巨鎮。易為守禦。於私計得矣。如嵐州何。遂還鎮。已而大元兵大至。城破不屈而死。贈資德大夫。婆速路兵馬都總管。諡忠毅。歲時致祭。九佳。宗室子。為武州刺史。唐括孛果速。為軍事判官。貞祐二年十一月。大元兵

永樂大典卷四百八十

取九住子姪。抵城下謂之曰。山東河北。今皆降我。汝之家屬。我亦得已。苟不速降。且殺之也。九住曰。當以死報國。違恤家為。無何城破。力戰而死。字果速。亦不屈死焉。詔贈九住臨海軍節度使。加驃騎衛上將軍。孛果速。建州刺史。加鎮國上將軍。仍令樹牌。歲時致祭。李演。字巨川。任城人。泰和六年進士第一。除應奉翰林文字。再丁父母憂。居鄉里。貞祐初。任城被兵。演墨衰為濟州刺史。畫守禦策。召集州人為兵。搏戰三日。衆皆市人。不能戰。逃散。演被執。大將見其冠服非常。且知其名。問之曰。汝非李應奉子。演荅曰。我是也。使之跪不肯。以好語撫之。亦不聽。許之官祿。演曰。我書生也。本朝何負於我。而利人之官祿哉。大將軍怒。擊折其脛。遂曳出殺之。時年三十餘。贈濟州刺史。詔有司為立牌云。劉德基。大興人。貞祐元年特賜同進士出身。守官邊邑。夏兵攻城。德基坐廳事。積薪其傍。謂家人曰。城破即焚我。及城破。其家人不忍縱火。遂被執。脅使跪降。德基不屈。同僚故人給夏人曰。此人素病狂。故敢如此。德基曰。為臣子當如此爾。吾豈狂耶。夏人壯其義。乃繫諸獄。冀其改圖。已而召問。德基大罵。然不能從。曰。吾豈苟生者哉。遂害之。贈朝列大夫。同知通遠軍節度使事。王毅。大興人。經義進士。累官東明令。貞祐二年。東明圍急。毅率民兵願戰者數百人拒守。城破

殺猶率衆抗戰。力窮被執。與縣人王八等四人同驅之郭外。先殺二人。王八即前跪將降。毅以足踏之。厲聲曰。忠臣不佐二主。汝乃降乎。驅毅者以刃斫其脛。毅不屈而死。贈曹州刺史。王梅字子明。澤州高平人。少負氣自意。常慕張詠之為人。反妻與人有私。梅手刃殺之。中明昌二年進士。調長葛主簿。有能聲。察廉除遼東路轉運司都分判官。提刑司舉。其能轉北京轉運戶籍判官。遷安陽令。累除簽陝西西路按察司事。改平涼治中。召爲少府少監。遷戶部郎中。貞祐初。中都成嚴。或舉梅有將帥才。俾募人自將。得死士萬餘統之。率所統衛送通州粟。入中都。都有功。遷霍王傅。以部兵守順州。通州圍急。梅攻牛欄山。以解通州之圍。賜養優渥。遷翰林侍讀學士。加勸農使。九月。順州受兵。梅有別部在滄景。遣人突圍召之。衆皆踴躍思奮。而主者不肯發。王璩。梅之故部曲也。免胄出見。且拜曰。事急矣。自首何爲。苟能相從。可不失富貴。梅曰。朝廷何負汝耶。璩曰。璩雖負國。不忍負公。因泣下。梅叱曰。吾年六十。致位三品。死則吾公。詎從汝耶。將射之。璩掩泣而去。無何。將士繼城出降。梅執不肯降。遂就死。初。梅就執。謂其愛將。牛斗曰。若能死乎。曰。斗蒙公見知。安忍獨生。併見殺。詔贈榮祿大夫。樞密副使。仍命有司立牌。歲時致祭。錄其子汝霖爲筆硯承奉。齊鷹揚。淄州軍

事判官楊敏中。留時尉。致仕。張乞驢。淄州民。貞祐初。大元兵取淄州。鷹揚等募兵備禦。城破。率衆巷戰。鷹揚等三人創甚。被執。欲降之。鷹揚伺守者稍急。即起。奪槊殺數人。敏中乞驢皆不屈以死。詔贈鷹揚嘉議大夫。淄州刺史。仍立廟于州。以時致祭。敏中贈昭勇大將軍。同知橫海軍節度使事。乞驢特贈宣武將軍。同知淄州軍州事。木甲法心。薊州猛安人。官至北京副留守。貞祐二年。爲提控。與同知順州軍州事。溫迪罕咬查剌。俱守密雲縣。法心家屬在薊州。大元兵得之。以示法心曰。若速降。當以付汝。否則殺之法心曰。吾事本朝。受厚恩。戰則速戰。終不能降也。豈以家人死生爲計也。城破。死于陣。咬查剌被執。亦不屈而死。盤安軍節度判官蒲察札舍。與雞澤縣令溫迪罕十方奴。同守薊州。衆潰而出。札舍十方奴死之。詔贈法心開府儀同三司。樞密副使。封宿國公。咬查剌鎮國上將軍。順州刺史。札舍金紫光祿大夫。薊州刺史。十方奴鎮國上將軍。薊州刺史。仍命樹牌。以時致祭。高錫。字永之。德基子。以廕補官。積勞調淄州酒使。課最。遷萍鄉令。察廉。遷遼東路轉運度支判官。太倉使。法物庫使。兼尚林署直官。提舉都城所。歷北京遼東轉運副使。同知南京路轉運使事。貞祐初。累遷河北東路按察轉運使。城破。遂自投城下而死。吳僧哥。西南路。唐古乙



粘北上沙鷲部落人。拳勇善騎射。大安間。遷籍山西人爲兵。僧哥充馬軍千戶有功。貞祐初。遷萬戶。權順義軍節度使。朔州失守。僧哥復取之。貞授同知節度使事。弟權同知節度使事。迪剌真授節度副使。權節度副使。燕曹兒真授節度判官。提控馬壽兒以下。遷授有差。衆苦乏食。僧哥乞賜糧十五萬斛。朝廷以爲應州已破。朔州孤城。其勢不可守。乃遷朔之軍民九萬餘口。公也。於嵐石隰吉絳解之間。未行。大元兵至朔州。戰七晝夜。有功。加遙授同知太原府事。兼同知節度使事。迪剌石州刺史。曹兒同知守嵐州防禦使事。四年始遷其民南行。且戰且行者。數十里。僧哥力憊。馬蹶死焉。時年三十。詔贈鎮國上將軍。順義軍節度使。烏古論德升。本名六斤。益都路猛安人。明昌二年進士。累官樞尚書省令史。知管差除。除吏部主事。降陽軍節度副使。丁父憂。起復太常博士。東平治中。大安初。弘文院改侍御史。論西京留守紇石烈執中姦惡。衛紹王不聽。遷肇州防禦使。宣宗遷汴。召赴闕。上言。秦州殘破。東北路招討司猛安謀克人皆寓于肇州。尼微調往復甚難。乞升肇州爲節度使。以招討使兼之。置招討副使二員。分治秦州及宜春。詔從之。進翰林侍讀學士。兼戶部侍郎。俄以翰林侍讀權叅知政事。與平章政事抹撚盡忠論近侍局預政。宣宗怒。語在盡忠傳。無

何出。爲某慶軍節度使。改汾陽軍節度使。河東北路宣撫副使。復改知太原府事。權元帥左監軍。興定元年。大元兵急攻太原。糧道絕。德井屢出兵戰。糧道復通。詔遷官一階。德井上言。皇太子聰明仁孝。保訓之官已備。更宜選德望素著之士。朝夕左右之。日聞正言。見正行。此社稷之洪休。生民之慶也。宣宗嘉納之。二年。真授左監軍。行元帥府事。大元兵復圍太原。環之數匝。已破濠垣。德井植柵爲拒。出其家銀幣及馬賞戰士。北軍壞城西。北隅以入。德井懸車塞之。三却三登。矢石如雨。守俾者不能立。城破。德井至府署。謂其姑及其妻曰。吾守此數年。不幸力窮自縊而死。其姑及其妻皆自殺。詔贈翰林學士承旨。子兀里偉尚幼。詔以奉御俸養之。張順。淄州士伍。淄州被圍。行者侯擊遣總令提控王庭玉將兵救之。庭玉募順等三十人。往覘兵勢。且欲冷城中。知援兵之至。乘夜潛至城下。順爲所得。執之。使宣言。行者軍敗績。庭玉亦死。且速降。順陽許諾。既乃呼謂城中曰。外兵無多。王節度軍且至。堅守毋降。兵刃交下。順曰。得爲忠孝鬼足矣。遂死。淄人知救兵至。以死守。城賴以完。後贈宣武將軍。同知州防禦使事。詔有司給養其親。且訪其子孫。優加任用。馬驥。禹城人也。登進士。歷官有聲。貞祐三年。爲曹州濟陰令。四月。大元克曹州。驥被執。軍卒榜掠求金。驥



# 永樂大典

## 卷四八〇

曰。吾書生何從得是。又使跪。驥曰。吾膝不能屈。欲殺即殺。得死為大金鬼足矣。遂死。贈朝列大夫。泰定軍節度副使。仍樹碑于州。致祭。貞祐四年七月。詔以其男惟賢。于八賁石局分收補。伯德。突哥。西南路。咎。其人。壯健。沉勇。大元兵克西南路。鄰郡皆降。突哥獨不屈。貞祐五年。東勝州已破。突哥與姚里鴉。胡姚里鴉。兒招集義軍。披荆棘。復立州事。河東北路行元帥府承制。除突哥武義將軍。寧遠軍節度副使。姚里鴉。胡武義將軍。節度判官。姚里鴉。兒武義將軍。觀察判官。突哥等以恩不出朝廷。頗懷歛望。縱兵剽掠。興定元年。詔突哥。遣授武州刺史。權節度使。姚里鴉。胡。權同知節度使事。姚里鴉。兒。權節度副使。各遷官兩階。興定三年。突哥。特遷三官。遣授同知晉安府事。尋真授東勝軍節度使。東勝被圍。城中糧盡。援兵絕。突哥率眾潰圍走。保長寧寨。治。各進一官。戰沒者。贈三官。九月。復被圍。突哥死之。真。乜。醜。和尚。為代州經畧使。貞祐四年八月。大元兵攻代州。和尚禦戰敗績。身被數創。被執。欲降之。不屈。遂死。從坦。宗室子。大安中。充尚書省祗候郎君。貞祐二年。自募兵數千。充宣差都提控。詔從提舉奉先范陽三都統兵。除同知涿州事。遷刺史。佩金牌。經略海州。頃之。充宣差都提控。安撫山西軍民。應援中都。上書曰。絳解二州。僅能城守。而村落之民。皆嘗

被兵。重以連歲不登。人多艱食。皆持鹽布易米。今太陽等渡。乃不許粟麥過河。願罷其禁。官稅十三。則公私皆濟矣。又曰。絳解河中。必爭之地。惟令寶昌軍節度使。從且規重鹽地之利。以資二州。則民受其利。兵可以強矣。又曰。中條之南。垣曲。平陸。芮城。虞鄉。河東之形勢。陝路之襟喉也。可分陝州。安騎萬二千人。為一提控。四都統。分戍四縣。此萬全之策也。又曰。平陸產銀鐵。若以鹽易米。募工鍊冶。可以廣財用。備戎器。小民傭力為食。可以息盜。又曰。河北貧民渡河逐食。已而復還。濟其饑者。艱苦殊甚。苛暴之吏。抑止誅求。帶莫大焉。又曰。河南陝西調度未急。擇騎軍牝馬。群牧。不二三。年。可增數萬騎。軍勢自振矣。又曰。諸路印造寶券。久而益多。必將積滯。止於南京印造給降。庶可久行。又曰。河北職任。雖除授不次。而人皆不願者。蓋以物價十倍。河南祿廩不給。饑寒且至。若實給俸粟之半。少足養廉。則可責其効力。又曰。河北之官。朝廷減資。遷秩。躡等。以答其勞。聞河南官吏。以貶逐目之。彼若以為信然。誰不解體。書奏下。尚書省議。惟許放至太陽等渡。宣撫司。量民力。給河北官俸。月河北為貶所者。有禁而已。四年。行樞密院于河南府。上書曰。用兵累年。出輒無功者。兵不素勵也。士庶且充行伍。况於皇族與國同休戚哉。皆當從軍。觀冒矢石。為士卒先。少寬聖王之

憂族人道哥賓同此心願謀臣麾下宣宗嘉其忠許之興定元年改輝州刺史權河北平軍節度使孟州經略使初御史大夫權尚書右丞永錫被詔經略陝西宣宗曰敵兵強則謹守潼關毋使得東永錫既行留汜池數日。至京兆駐兵不動頃之潼關破大元兵次近郊由是永錫下獄久不決從坦乃上疏救之略曰竊聞周祚八百漢享國四百餘載皆以封建親戚犬牙相制故也孤秦曹魏亡國不永晉八王相魚肉猶歷過秦魏自古同姓之親未有不與國存亡者本朝胡沙虎之難百僚將士無敢誰何鄆陽石古乃奮身拒戰盡皆而死御史大夫永錫才不勝任而必用之是朝廷之過也國之枝葉已無幾矣伏惟陛下審圖之於是宗室四百餘人上書論永錫皆不報久之永錫杖一百除名當是時諸路兵皆入城自守百姓耕稼失所從坦上書曰養兵所以衛民方今河朔惟真定河間之衆可留扞城其餘府州皆當散屯于外以為民防俟稼穡畢功然後移於屯守之地是為長策從之加選授同知東平府事權元帥左監軍行元帥府事與參知政事李華俱守平陽興定二年十月從坦上奏太原已破行及平陽河東郡縣皆不守大抵也兵少援兵不至故耳行者兵不滿六千平陽河東之根本河南之藩籬也乞併懷孟衛州之兵以潞州調澤州沁水端氏

高平諸兵並山為營為平陽聲援惟祈聖斷以救倒懸之急是月壬子大元兵至平陽提控郭用戰于城北濠坦被執不屈而死癸丑城破從坦自投贈昌武軍節度使李永魯福壽為唐邑主簿大元兵攻唐邑福壽與戰死之贈官三階賜錢五百貫吳邦傑登州軍事判官邦傑寓居日照之村墅為大元兵所得驅令攻城邦傑曰吾荷吾國恩詎忍攻吾君之城與之酒食不顧乃殺之詔贈朝列大夫定海軍節度副使納合蒲剌都大名路猛安人承安二年進士調大名教授累除北陽令補尚書省令史除彰德軍節度副使以憂去官貞祐二年調同知西安軍節度使事歷同知臨洮平涼府事河州防禦使三年夏人圍定羌蒲剌都擊走之以功加選授彰化軍節度使四年升河州為平西軍就以蒲剌都為節度使上言古者一人從軍七家奉之與十萬之師不得操事者七十萬家今籍諸道民為兵者十之七八奉之者纔二三民安得不困武兵貴精不在衆寡擇勇敢謀略者為兵脫儒之徒使歸農畝是亦紓民之一端也又請補官贖罪以足用及請許人射佃陝西荒田開採礦冶不報改知平涼府事入為戶部尚書是時伐宋大捷蒲剌都奏宋人屢敗其氣必沮可乘此遣人諭說以尋舊盟若宋人不從然後伐之疾雖怒頑易以成功朝廷不能用蒲剌



都又言。諸軍當汰去老弱。妙選精銳。庶可取勝。陝西弓箭手。不習騎射。可選善騎者以代之。延安屯兵甚衆。分徙萬人駐平涼關中。元帥猥多除京兆重鎮。其餘皆可罷。鞏縣以北。黃河南岸。及金鈞。吊橋。虎牢。關。魏州。崞。嶺。凡斜徑僻路。俱當置兵防守。詔下尚書省樞密院議。竟不施行。未幾。改元帥右監軍兼昭義軍節度使。行元帥府事。與定二年。潞州破。力戰而死。贈御史大夫。女奚烈。幹出。任至棗州刺史。被行省牒。徙州人于金勝堡。已而大兵至。幹出拒戰。中流矢。病創。卧。花帽軍張提控言。兵勢不可當。宜速降。幹出曰。吾曹坐食官祿。可忘國家恩乎。汝不聞趙坊州乎。以金帛子女。與敵人終亦不免。我輩但當力戰而死耳。至夜。張提控引數人持兵仗。以入。脅幹出。使出降。幹出曰。聽汝所為。吾終不屈也。遂殺之。執其妻子。出降。初。棗州人遷金勝堡。多不能至。軍事判官王謹收遺散之衆。別屯周安堡。周安堡不繕完。樓堞。置戰守之具。兵至。謹拒戰十餘日。內潰。被執。不屈而死。詔幹出。謹各贈官六階。升職三等。特茂。先日照縣沙溝酒監。寓居諸城。紅襖賊方郭三據密州。過其村。居民相率迎之。賊以元帥自稱。茂先怒。謂衆曰。此賊首耳。何元帥之有。郭三聞而執之。斷其腕。茂先大罵。賊不勝忿。復剝其目。亂刃刺之。至死。罵不絕。詔贈武節將軍。同知沂州防禦使事。溫迪罕老兒爲同知上京留守。事蕭鮮萬奴。攻上京。其子鐵哥生。獲老兒。脅之。使招餘人。不從。鐵哥怒。亂斫而死。贈龍虎衛上將軍。婆連兵馬都總管。以其姪黑廝爲後。持授四官。梁持勝。字經甫。本名詢。直。避宣宗嫌名。改爲保。大將軍節度使。裏之子。多力善射。泰和六年。進士。復中宏詞。累官大常博士。遷咸平路宣撫司經歷官。與定初。宣撫使蒲鮮萬奴有異志。欲棄咸平。徙曷懶路。持勝力止之。萬奴杖之八十。持勝走上京。告行省。太平是時。太平已與萬奴通謀。口稱持勝忠。而心實不然。署持勝左右司員外郎。既而太平受萬奴命。焚毀上京宗廟。執元帥承克。奪其軍。持勝與提控咸平。治中裴滿。賽不。萬戶韓公恕。約殺太平。復推承克。行省事。共伐萬奴。事泄。俱被害。詔贈持勝中順大夫。韓州刺史。賽不鎮國上將軍。顯德軍節度使。公恕明威將軍。信州刺史。賈邦獻。霍州。霍邑縣陳村人也。舉進士第。質直有勇略。大元攻河東。邦獻集居民爲守禦計。既而兵大至。居民悉降。邦獻棄其家。獨與文懿保於松平寨。是時。權知州事劉珍在寨。與之共守。竟能成功。珍每欲辟之。邦獻輒以衰老爲辭。與定四年十月。兵復大至。病不能避。與懿俱被執。欲以爲鎮西元帥。且持刃脅之。邦獻不屈。密遣懿歸松平。遂自剄。贈奉直大夫。本縣令。移剌阿里合。遼人。與定間。累遷。



霍州刺史。興定四年正月，移霍州治好義堡。大元兵至，阿里合力戰，不能敵。兵敗被執，誘使降。阿里合曰：「吾有死無二。」叱使跪，但向闕而立。於是叢天射殺之。寶昌軍節度副使孔祖湯同時被獲，既又令祖湯跪，祖湯不從，亦死。詔贈阿里合龍虎衛上將軍，恭定軍節度使祖湯資善大夫。同知平陽府事。祖湯泰和三年進士。完顏六斤，中都路胡土愛割蠻猛安人，大安中以蔭補官。選充親軍，調阜平尉，遷兩城令。改通州軍事判官，以功遷本州刺史。頃之，元帥右都監蒲察七斤執之以去，未幾挈家脫歸。除同知臨洮府事。徙慶陽，遷保大軍節度使。興定五年，鄜州破，六斤自投崖下死。馬贈特進，知延安府事。詔陝西行者訪其子孫以聞。訖石烈鶴壽，河北西路山春猛安人，性淳質，軀幹雄偉。初充親軍，中泰和三年武舉，調褒信縣副巡檢。六年，宋人圍蔡州，鶴壽請于防禦使與勇士五十人，夜斫宋營，使諸軍譟于城上，斬三百餘級。宋兵自相蹂踐，死者十餘人。遲明，宋人解圍去。鶴壽追之，使殿曳柴。宋人顧塵起，以為大兵，且至遂奔。追至陳寨而還。已而宋兵復據新蔡，新息褒信三縣，鶴壽皆復取之，得馬三百匹，充行軍萬戶。從大軍出壽春，敗宋人于渦口，奪馬千餘匹，攻下真滁二州及行胎軍。軍還，進九官，遷同知息州軍州事。改萬寧宮同提舉。大安三年，充西

南路馬軍萬戶。夏人五萬圍東勝，鶴壽救之，突圍入城。夏兵解去，遷兩階賜銀百兩，重綵十端。遷尚方署令，充行軍副統，升充行省左翼都統，轉武衛都統，充馬軍副提控，轉鈐轄，充都城東面宣差副提控。貞祐二年，丁父憂，起復武寧軍節度副使，破紅襖賊于蘭陵石城，燬一切掠良人為生口，監祭御史陳規奏乞勅有司，凡鶴壽所獲俱從放免。詔徐州歸德行院，括放之。尋，遷授同知武寧軍節度使事，兼節度副使。坐出獵，縱火延燒官草，杖一百，改同知河北平軍節度使事。興定元年，充馬軍都提控，入宋襄陽界，遷授同知武勝軍節度使事。改，遷授睢州刺史。二年，攻棗陽，三敗宋兵。改，遷授同知歸德府事。三年，奪宋石渠寨，決去棗陽濠水。加宣差鄧州路軍馬從宜，遷授汝州防禦使。四年，宋扈太尉步騎十萬圍鄧州，鶴壽分兵拒守，出府庫金帛賞士，許以遷官加爵。自將餘衆，日出搏戰。宋兵焚營去，鶴壽被創不能騎，馬遺招撫副使木虎移刺，答追及之，殺數十人，奪其俘而還。詔所散金帛勿問，將士優給官爵。鶴壽遷金紫光祿大夫，遷授武勝軍節度使。俄丁母憂，以本官起復。權元帥左都監，行元帥府于鄜州。興定五年十月，鄜州破，鶴壽與數騎突出城，追及之。鶴壽據土山力戰而死。謚果勇。蒲察妻室，東北路按出虎割里罕猛安人。泰和三年進士，調慶都

# 永樂大典

卷四八〇

牟平主簿。以廉能遷中都右警巡副使。補尚書省令史。知管差除。貞祐初。除吏部主事。監察御史。丁母憂。服闋。充行省經歷。官改京兆治中。遷授定西州刺史。充元帥參議官。興定二年。與元帥承裔攻下西和州。自撤由秦州進兵抵棧道。宋人悉銳來拒。妻室乘高立幟。策馬旋走。揚塵為疑兵。別遣精騎掩出其後。宋兵大潰。乘勝遂拔興元。進一階。除丹州刺史。再遷同知河中府事。權元帥右都監。河東路安撫使。復取平陽。晉安優詔褒寵。進一階。賜銀二百兩。重帶二十端。遷授孟州防禦使。權都監如故。將兵救鄆州。轉戰而至。城破死之。贈資德大夫。定國軍節度使。謚襄勇。勅行省求其尸以葬。女奚烈資祿。本姓張氏。咸平府人。泰和伐宋。從軍有功。調易縣尉。遷潞縣主簿。貞祐初。遷授同知德州防禦事。改秦州。三年。遷授同知通遠軍節度使事。興定元年。改西寧州刺史。賜今姓。久之。遷授同知臨洮府事。兼定西州刺史。從元帥右都監完顏阿鄰破宋兵于稍子嶺。三年。攻破武林關。資祿功最。詔比將士遷五官職二等外。資祿更加官職一等。遷授通遠軍節度刺史如故。五年。遷授隴安軍節度使。俄改金安軍。詔曰。陝西行省奏。軍官關負。卿久在行陣。御下有法。舊隸士卒多在京兆。今正防秋。關河要衝。悉心備禦。將兵救鄆州。閏十二月。鄆州破。被執。不肯降。遂死。贈銀青榮祿大夫。中京留守元光元年。言事者謂。資祿褒贈尚薄。詔祿其二子烈山林泉。升職一等。陝西行省軍中用之。趙益太原人。讀書肄業。大元兵入境。益鳩合土豪。保聚山陝。屢戰有功。晉陽公郭文振署為壽陽令。駐兵榆次。重原寨。遂率眾收復太原。夜登其城。斬賊甚眾。所獲馬仗不可計。獲老幼二萬餘口。以出。升太原治中。復擢同知府事。兼招撫使。元光元年八月。大元兵大至。攻城益急。知不可支。迺自焚其府庫。殺妻子。沉其符印于井。遂自殺。宣宗聞之。嘉歎。贈銀青榮祿大夫。河東北路宣撫使。仍諭有司。求其子孫錄用。侯小叔。河東縣人。為河津水手。貞祐初。籍充鎮威軍。以勞補官。元光元年。遷河中府判官。權河東南路安撫副使。小叔盡護農民入城。以家財賞戰士。河中圍解。遷治中安撫如故。樞密院奏。小叔才能可用。權位輕。不足以威眾。乞假符節。十二月。詔權元帥左都監。便宜從事。提控吳德說。小叔出降。叱出斬之。表兄張先從容言。大兵勢重。可出降。以保妻子。小叔怒謂先曰。我舟人子。致身至此。何謂出降。縛先於柱而殺之。飯僧祭葬。以盡戚黨之禮。頃之樞密院遣都監訛論與小叔議兵事。小叔出城與訛論會。石天應乘之取河中府。作浮橋通陝西。小叔駐樂李山寨。眾兵畢會。夜半坎城。以登焚樓櫓。火照城中。天應大驚。不知所為。盡棄



輜重牌印馬牛雜畜死于雙市門。小叔燒絕浮橋，撫定其衆。遷昭毅大將軍。遷授孟州防禦使，同知府事，監軍安撫如故。二年正月，大元軍騎十萬圍河中。總帥訛可遣提控孫昌率兵五千，樞密副使完顏賽不遣李仁智率兵三千，俱救河中。小叔期以夜中鳴鉦，內外相應。及期，小叔出兵戰，仁智不敢動。小叔歛衆入城，圍益急。衆議出保山寨。小叔曰：「去何之？」密遣經歷官張思祖潰圍出奔，告于汴京。明日城破，小叔死，不得其尸。總帥訛可以河中府權推官籍河外，代小叔權右都監。樞密院奏：「小叔功卓異，或疑尚在，遽令阿外代之，絕歸向之路。」至是小叔已亡四十餘日，中條諸寨無所統領，乃詔阿外權領。宣宗思小叔功，下詔褒賻，切責訛可不救河中之罪。王佐，字輔之，霍州農家子，豁略不事產業，輕財好施，善騎射，與定中聚兵數千人。權領霍州事。平陽胡天作承制，加忠勇校尉，趙城丞，遷霍邑令。同知蒲州軍事，權招撫副使。蒲州經略使，詔遷宣武將軍，遷授齊昌軍節度副使。大元兵取青龍堡，佐被獲，著霍州守將隸元帥崔環質其妻子。招撫使成天祐與環有隙，佐與天祐謀殺環。天祐曰：「君妻子為質，奈何？」佐曰：「佐豈顧家者邪？」元光二年七月，因環出獵，殺之，率軍民數萬請命。加龍虎上將軍。元帥右監軍，兼知平陽府事。佐與平陽公史詠素不協，請徙

沁州王女寨，詔從之。仍令聽上黨公完顏開節制。是歲七月，救襄垣，中流矢卒。贈金吾衛上將軍。以其子為符寶典書。黃摑九住，臨海人。大定間，以廕補部令史，轉樞密院令史，調安肅州軍事判官。明昌四年，為大理執法。同知薊州軍事，再遷潞王府司馬。累官河東北路按察使，轉運使，改知彰德府事。戰沒，贈祭祿大夫。南京留守，仍錄用其子孫。烏林答乞住，大名路猛安人。大定二十八年進士。累官補尚書省令史。除山東提刑判官。英王府司馬。御史臺舉前在山東稱職，改太原府治中。簽陝西按察司事。歷汝州沁州刺史。北京臨潢按察副使，遷滿與路節度使。未幾，以罪奪三官解職。降德昌軍節度副使。崇慶初，戍邊有功，遷一官，賞銀百兩，重帶十端。轉利州刺史。貞祐初，改同知威平府事。遷歸德軍節度使，改興平軍。就充東面經略使，尋罷。經略司，改元帥右都監。赴援中都戰歿，贈祭祿大夫。叅知政事，以叅政半俸給其家。陀滿斜烈，威平路猛安人。襲父猛安。明昌中以所部兵充押軍萬戶戍邊。承安中討契丹有功，除陳州防禦使。遷知平涼府事。改保大軍節度使，徙知彰德府事。貞祐四年，大元兵復取彰德，斜烈死焉。尼尾古蒲魯虎，中都路猛安人。明昌五年進士。累官補尚書省令史，從平章政事，僕散揆伐宋，兵罷，除同知崇義軍節度使事。



察廉改東平府治中。歷環州裕州刺史。翰林待制。開封府治中。大理卿。尋  
擢知河南府事。兼河南路副統軍。貞祐四年。急備京西。為陝州宣撫副使。  
兼西安軍節度使。是歲大元兵取潼關。成卒皆潰。滿魯虎禦戰。兵敗死焉。  
兀顏畏可。隆安路猛安人。補親軍。充護衛。除益都總管府判官。中都兵  
馬副都指揮使。累官會州刺史。貞祐初。為左衛將軍。拱衛直都指揮使。山  
東副統軍。安化軍節度使。土賊據九仙山。為巢穴。畏可擁眾不擊。賊愈熾。  
東平行者蒙古綱劾奏。畏可不任將帥。朝廷不問。改鎮西軍。權經略副使。  
歷全安武勝軍。興定四年。改泰定軍。是歲五月。兗州破。死焉。兀顏訛出  
虎隆安府猛安人。大定二十八年。進士。累官補尚書省令史。除順天軍節  
度副使。召為治書侍御史。刑部員外郎。單州刺史。戶部郎中。河東北路按  
察副使。同知大興府事。秦州防禦使。丁母憂。起復泗州防禦使。遷武寧軍  
節度使。徙河平軍。兼都水監。生前在武寧奏軍功不實。降沂州防禦使。遷  
沁陽軍節度使。兼經略使。興定二年九月。城破。死焉。粘割貞。本名抄合。  
西南路招討司人。大定二十八年。進士。歷教授。主簿。用薦舉。除河北大名  
提刑知事。察廉遷都。轉運戶籍判官。累官泰定軍節度副使。丁父憂。服闋。  
除德興治中。宣德州刺史。貞祐元年十二月。貞以禮部郎中。攝國子祭酒。

與恩州刺史。攝武衛軍副都指揮使。粘割合。遼河間府判官。攝同知順天  
軍節度使事。梅只乞奴。保州錄事。攝永定節度副使。伯德。張奴。出議和事。  
二年。和議成。賞銀二百兩。重幣十端。王吐鶻。改戶部侍郎。歷沁南河平鎮  
南集慶沁陽軍節度使。貞祐四年。改昭義軍。充潞州經略使。興定二年。入  
為工部尚書。由壽州伐宋。改正陽有功。權元帥。左都監。守晉安府。興定三  
年十一月。城破。貞與府官十餘人。皆死之。徒單航。一名張僧。騎馬樞密  
使某之子也。父號九駙馬。衛王有事北邊。改授都元帥。仍權平章。殊不允  
人望。張僧時為吏部侍郎。力勸其父請辭帥職。遂拜平章。至寧元年。胡沙  
虎弒逆。降航為安州刺史。會北兵大至。城下。聲言都城已失守。女可速路  
航謂其民曰。城守雖嚴。萬一攻破。汝輩無子遺矣。我家兩世駙馬。受國厚  
恩。決不可降。汝輩計將安出。其民曰。太守不屈。我輩亦何忍降。願以死守。  
航乃盡出家財。以犒軍民。軍民皆盡力備禦。又五日。城危。航度不可支。謂  
其妻孥曰。今事急矣。惟有死爾。乃先縊其妻孥。謂其家人曰。我死即撤屋  
焚之。遂自縊死。城破。人猶力戰。曰。太守既死。我輩不可獨降。死者甚眾。  
完顏陳和尚。名彝。字良佐。世以小字行。豐州人。系出蕭王諸孫。父乞哥。  
恭和南征。以功授同知階州軍事。及宋復階州。乞哥戰歿於嘉陵江。貞祐

中陳和尚年二十餘。為北兵所掠。大帥甚愛之。置帳下。時陳和尚母留豐州。從兄安平都尉斜烈事之甚謹。陳和尚在北歲餘。託以省母乞還。大帥以卒監之。至豐乃與斜烈劫殺監卒。奪馬奉其母南奔。大兵覺合騎追之。由他路得免。既而失馬。母老不能行。載以鹿角車。兄弟共輓。南渡河。宣宗奇之。斜烈以世官授都統。陳和尚試補護衛。未幾轉奉御。及斜烈行壽泗元帥府事。奏陳和尚自隨。詔以充宣差提控。佩金符。斜烈辟太原王屋為經歷。溘字仲澤。文章議論。與雷淵李獻能相上下。故得師友之陳和尚天資高明。雅好文史。自居禁衛。日以秀才目之。至是涯授以孝經。小學。論語。春秋左氏傳。畧通其義。軍中無事。則憲下作牛毛細字。如寒苦之士。其視世味漠然。正大二年。斜烈落帥職。例為總領。屯方城。陳和尚隨以往。凡兄軍中事皆預知之。斜烈時在病軍中。李太和者與方城鎮防軍葛且翁相敵。訴於陳和尚。宜翁事不直。即量答之。宜翁素凶悍。恥以理屈受杖。竟鬻鬻以死。留語其妻。必報陳和尚。妻訟陳和尚以私忿侵官。故殺其夫。訴於臺省。於近侍積薪龍津橋南。約不得報。則自焚以謝其夫。以故陳和尚繫獄。議者疑陳和尚徂於禁近。倚兵間之重。必橫恣違法。當以大辟。奏上久不能決。陳和尚聚書獄中讀之。凡十有八月。明年斜烈病愈。詔提兵而

西入朝。哀宗怪其瘦甚。問卿寧以方城獄未決故耶。卿但行。吾今赦之矣。以臺諫便有言不赦。未幾斜烈卒。上聞始馳赦陳和尚曰。有司奏汝以私忿殺人。汝兄死。失吾一名將。今以汝兄故。曲法赦汝。天下必有議我者。他日汝奮發立功名。國家得汝力。始以我為不妄赦矣。陳和尚且泣且拜。悲動左右。不能出一言為謝。乃以白衣領紫微單都統。踰年轉忠孝軍提控。五年北兵入大昌原。平章合達問誰可為前鋒者。陳和尚出應命。先已沐浴易衣。若將就木然者。擐甲上馬。不反顧。是日以四百騎破八千眾。三軍之士踴躍思戰。蓋自軍興二十年。始有此捷。奏功第一。手詔褒諭。授定遠大將軍。平涼府判官。世襲謀克。一日名動天下。忠孝一軍。昏回斃乃滿。羗渾。及中原被俘。避罪來歸者。驚狼凌突。號難制。陳和尚御之有方。坐作進退。皆中程式。所過州邑。常料所給外。秋毫無犯。街曲間不復喧雜。每戰則先登陷陣。疾若風雨。諸軍倚以為重。六年有衛州之勝。八年有倒回谷之勝。自刑徒不四五。遷為禦侮中。即將副樞移刺蒲阿。無持重之略。嘗一日夜馳二百里。趨小利。軍中莫敢諫止。陳和尚私謂問列曰。副樞以大將軍為剽略之事。今日得生口三百。明日得牛羊一二千。士卒喘死者則不復計。國家數年所積。一旦必為是人破除盡矣。或以告蒲阿。一日置酒會



# 永樂大典

卷四八〇

諸將飲酒行至陳和尚蒲阿曰汝曹短長我又謂國家兵力當由我盡壞誠有否陳和尚飲畢徐曰有蒲阿見其無懼容漫為好語云有過當面譏無後言也九年正月三峯山之敗走鈞州城破大兵入即縱軍巷戰陳和尚趨避隱處殺掠稍定乃出自言曰我全國大將欲見白事兵士以數騎夾之詣行帳前問其姓名曰我忠孝軍總領陳和尚也大昌原之勝者我也衛州之勝亦我也倒回谷之勝亦我也我死亂軍中人將謂我負國家今日明白死天下必有知我者時欲其降斫足脛折不為屈豁口吻至耳噴血而呼至死不絕大將義之時以馬潼祝曰好男子他日再生當令我得之時年四十一是年六月詔贈鎮南軍節度使像褒忠廟勒石紀其忠烈斜烈名鼎字國器畢里海世襲猛安年二十以善戰知名自壽泗元帥轉安平都尉鎮南州威望甚重敬賢下士有古賢將之風初至南州一日搜伏於大竹林中得歐陽脩子孫問而知之併其族屬鄉里三千餘人皆縱遣之楊沃衍一名幹烈賜姓元林荅朔州靜遠官莊人本屬唐括迪剌部族少嘗為北邊屯田小吏會大元兵入境朝命徙唐括族內地沃衍留不徙率本部族願從者入保朔州南山茶祀溝有衆數千推沃衍為招撫使號其溝曰府故殘破鎮赫徒黨日集官軍不能制又與大兵戰連

永樂大典卷四百八十

十九

獲小捷及乏食遂行剽劫官軍捕之拒戰不下轉走寧輿武朔寧邊諸州民以為病朝廷遣人招之沃衍即以衆來歸時宣宗通南遷次淇門聞之甚喜遂以為武州刺史武州屢經殘毀沃衍入州未幾而大兵來攻死戰二十七晝夜不能拔乃退時貞祐二年二月也既而朝廷以武州終不可守令沃衍遷其軍民駐奇嵐州以武州功擢為本州防禦使俄升奇嵐為節鎮以沃衍為節度使仍詔諭曰卿於國盡忠累有勞績今特升三品恩亦厚矣其益勵忠勤與宣撫司輯睦以安軍民沃衍自奉詔即以身許國曰為人不死王事而死於家非大丈夫也三年奉旨屯涇邠隴三州沃衍分其軍九千人為十翼五都統親統者十之四是冬西夏四萬餘騎圍定西州元帥右都監完賽不以沃衍提控軍事率兵與夏人戰斬首幾二千生擒數十人獲馬八百餘疋器械輜是餘悉遁去詔陝西行省視功官賞之興定元年春上以沃衍累有戰功賜今姓未幾遷授通遠軍節度使兼鞏州管内觀察使是冬詔陝西行省伐宋沃衍與元帥左都監內族白撒通遠軍節度使溫迪罕宴室同知通遠軍節度使事烏古論長壽平西軍節度副使和速嘉兀迪將兵五千出鞏州墜井至故城逢夏兵三百擊走之又入西和州至岐山堡遇兵六千凡三隊遣軍分擊遂北三十餘里斬

首四百級。生獲十人。馬二百疋。甲仗不勝計。尋復得散關。二年正月捷報至。上大喜。詔遷沃衍官一階。遷授知臨洮府事。三年武休關之捷。沃衍功居多。詔特遷一官。元光元年正月。遷授中京留守。六月。進拜元帥右監軍。仍廿襲。納古胡里愛必刺謀克。二年春。北兵游騎數百。掠延安而南。沃衍率兵追之。戰於野猪嶺。獲四人而還。俄而兵大至。駐德安寨。復擊走之。未幾。大兵攻鳳翔。還道出保安。沃衍遣提控完顏查剌破于石樓臺。前後獲馬二百。符印數十。詔有司論賞。初。聞野猪嶺有兵。沃衍約陀滿胡土門以步軍會戰。胡土門宿將常輕沃衍。至是失期。沃衍戰還。會諸將欲斬胡土門。諸將哀請乃釋之。時大兵聲勢益振。陝西行省檄沃衍清野。不從。曰。我若清野。明年民何所得食。遂隔大澗持勢。使民畢麥事。正大二年。進拜元帥左監軍。遙領中京留守。八年冬。平章合達。蔡政蒲阿。由鄧州而西。沃衍自豐陽川。過於五朶山下。問高山之戰如何。合達曰。我軍雖勝。而大兵已散漫趨京師矣。沃衍憤云。平章參政。蒙國厚恩。握兵柄。失事機。不能戰禦。乃縱兵深入。尚何言耶。三峯山之敗。沃衍走鈞州。其部曲白留奴。果劉勝。既降。請于天帥。願入鈞。招沃衍。大帥質留奴。令勝入鈞。見沃衍。道大帥意。降。則當授大官。沃衍善言慰撫之。使前拔劍斫之。曰。我起身細微。蒙國大

恩。汝欲以此污我耶。遂遺語部曲後事。望汴京拜且哭曰。無面目見朝廷。惟有一死耳。即自縊。部曲舉火并所寓屋焚之。從死者十餘人。沃衍死。時年五十二。初。大兵破西夏。長驅而至關輔。千里皆洶洶不安。雖智者亦無如之何。沃衍與其部將劉興哥者。率兵往來邠龍間。屢戰屢勝。故大軍猝不能東下。興哥鳳翔魏縣人。起於羣盜。人呼曰熱劉。後於清化戰死。大兵至。酌酒以弔。西州耆老語之。至為泣下。烏古論黑漢。初以親軍入仕。嘗為唐鄧元帥府把軍官。天興二年。唐州刺史內族斜魯病卒。鄧州總帥府以蒲察都尉權唐州事。宋軍兩來圍唐。又唐之糧多為鄧州所取。以故乏食。六月。遣萬戶夾谷定住入歸德。奏請軍糧。不報。七月。鎮防軍馮總領甄政住為變。殺蒲察都尉。時朝廷道梗。帥府承制。以黑漢權刺史。行帥府事。既而鎮防軍有歸宋之謀。特裕州大成山。聶都統一軍五百人在州。獨不欲歸宋。與鎮防軍為敵。鎮防不能勝。棄老幼奔棗陽。宋人以故知唐之虛實。會鄧帥移瑗以城叛歸于宋。遣書招黑漢。黑漢殺其使者。不報。宋王安撫率兵攻唐。鄧司王太尉繼至。攻益急。黑漢聞哀。宗逸蔡。遣人求救。上命權叅政兀林荅胡土將兵以往。宋人設伏。縱其半入城。邀擊之。胡土大敗。僅存三十騎。以還。城中糧盡。人相食。黑漢殺其愛妾。啖士。士爭殺其妻子。



官屬聚議欲降。黑漢與聶都統執議益堅。馮總領乃私出城與王安撫會。飲約明日宋軍入城。馮歸。宋軍不得入。聶都統請馮議事。即生中斬之。及其黨皆死。總領趙醜兒者。初與馮同謀。內不自安。開西門納宋軍。黑漢率大成山軍巷戰。自辰至午。宋軍大敗而出。殺傷無數。宋人城下大呼。趙醜兒約併力殺大城山軍。大成軍敗。宋人獲黑漢脅使降。黑漢不屈為所殺。其得脫走者十餘人。總領移剌望軍女奚烈軍醜兒走蔡州。皆得遷賞。後俱死於甲午之難。陀滿胡土門字子秀。策論進士也。累官翰林待制。貞祐二年。遷知中山府。三年。改知臨洮府。兼本路兵馬都總管。叛賊蘭州程陳僧等誘夏人入寇。圍臨洮。凡半月。城中兵數千。而粟且乏。衆皆危之。胡土門日為開諭。逆順禍福。皆自奮。因捕其黨欲為內應者二十人。斬之。擲首城外。賊四面來攻。乃夜出襲賊壘。夏兵大亂。金軍乘之。遂大捷。夏人遁去。四年。知河中府事。權河東南路宣撫副使。十月。進元帥右監軍。兼前職。興定二年。為絳陽軍節度使。兼絳州管内觀察使。十月。遷元帥左監軍。行元帥府事。兼知晉安府河東南路兵馬都總管。於是修城池。繕甲兵。積芻糧。以備戰守。民不悅。行省晉鼎聞之。遣以書曰。元帥始鎮河中。惠愛在民。移旆晉安。遠近忻仰。去歲兵入平陽。不守。河東保完者。惟絳而已。蓋公

坐籌制勝。威德素著。故不動聲氣。以至無虞也。邇來傳聞治政太剛。科徵太重。鼎切憂之。古人有言。御下不寬。則人多懼。禍用人有疑。則士不盡心。况大兵在邇。鄰境已虛。小人易動。誠不可不慮也。願公以謙虛待下。忠孝結人。明賞罰。平賦稅。上以分聖主宵旰之憂。下以爲河東長城之託。胡土門得書。懼民不從。且或生變。乃上言。臣本瑣材。猥膺重寄。方將治墮。墾積芻糧。爲捍禦之計。而小民難與慮始。以臣政令頗急。皆有怨言。遂貽行省之憂。自聞訓諭。措身無所。內自後悔。外加寬撫。庶幾少慰衆心。而近以朝命分軍過河。則又謔言。帥臣不益兵保守。而反助河南將棄我也。人心如此。恐一旦遂生他變。向者李革在平陽。人不安之。而革隱忍不言。以至于敗。臣竇拙繆。無以服人。敢以鼎書上聞。惟朝廷圖之。朝廷以鼎言。遣吏部尚書完顏問山代之。或曰。胡土門欲以計去晉安。乃大興役。恣爲殺戮。務失民心。故鼎言及之。未幾晉安失守。死者幾百萬。遂失河東。三年八月。改大常卿。權簽樞密院事。知歸德府事。元光二年二月。坐上書不實。削一官。正大三年七月。復爲臨洮府總管。四年五月。城破被執。誘之降。不應。使之跪不從。以刀亂斫其脛。終不爲屈。遂殺之。五年。詔贈中京留守。立像褒忠廟。錄用其子孫。其妻烏古倫氏亦死節。有傳。姬汝作。字欽之。汝陽

人。全州節度副使端修之姪孫也。父懋。以蔭試部掾。轉尚書省令史。汝作讀書知義理。性豪宕。不拘細行。平日以才量稱。正大末。避兵崧山。保鄉鄰數百家。衆以長事之。後徙居交牙山峇。會近侍局使烏古論四和撫諭西山。以便宜授汝作北山招撫使。佩銀符。遂遷入汝州。初汝州殘破之後。天興元年正月。同知宣徽院事張措授防禦使。自汴率襄郟縣土兵百餘人入青陽梁。時呼延實者領青陽若事。實趙城人。本揚沃衍曲部。以戰功至寶昌軍節度使。聞居汝之西山。措自揣不能服衆。乃以州事託實。尋往鄆州。從恒山公武仙。後大元兵至城破。殺數千人。乃許降。以張宣差者管州事。三月。鈞州潰。軍擲千戶者入州。張逃去。柳遂據之。未幾城復破。及汝作至。北兵雖去。但空城爾。汝作招集散亡。復立市井。北兵屢招之不從。數戰互有勝負。已而北兵復來攻。汝作親督士卒。以死拒之。兵退。間道納奏。哀宗宣諭。此州無險固可恃。汝乃能爲國用命。今授以同知汝州防禦使。使宜從事。是時此州南通鄆州。西接洛陽。東則汴京。使傳所出。供億三面。傳通音耗。然呼延實在青陽爲總帥。忌汝作城守之功。不能相下。州事動爲所制。實欲遷州入山。謂他日必爲大兵所破。汝作以爲倉中糧尚多。四面潰軍日至。此輩經百死。激之皆可用。朝廷倚我守此州。總帥乃欲棄之。何

心哉。謬問既行。有相圖之隙。詳議官楊鵬樸之曰。分難未解。而顧私忿。語甚諄切。實乃還山。鵬因勸汝作納奏。乞死守此州。以堅軍民之心。其冬。戰于襄郟。得馬百餘。士氣頗振。遂以汝作爲總帥。不復與實相關矣。天興二年六月。哀宗在蔡州。遣使徵兵入援。州人爲邏騎所擾。農事盡廢。城中糧亦垂盡。是月中京破。郟曲私議有唇亡之懼。謀以城降。懼汝作不敢言。乃以遷州入山白之。汝作怒曰。吾家父祖食祿百年。今朝廷又以州事帥職委我。吾生爲金民。死爲金鬼。汝輩欲避於山。非欲降乎。有再言遷者。吾必斬之。八月。塔察將大兵攻蔡經。汝州人梁舉作亂。與故吏溫澤玉和七八人徑入州解。汝作不爲備。遂爲所殺。時宣使石珪體究洛陽所以破。及強伸死節事。以路阻留汝州驛。梁舉既殺汝作。走告珪曰。汝作私積糧斛。不卹軍民。衆怒殺之矣。舉不圖汝作官職。惟宣使裁之。珪懼。乃以舉權汝州防禦。使行帥府事。脫走入蔡。以舉殺汝作事聞。哀宗甚嗟惜之。遣近侍張天錫。贈汝作昌武軍節度使。子孫世襲。謀克仍詔峴山帥呼延實。登封帥危真。併力討舉。天錫避峴山遠。先約危真。真以麾下李某者。往以撫諭軍民。爲名。舉率軍士迎於東門。知朝廷圖己。陰爲之備。李猶豫不敢發。舉館天錫于望松樓。隱毒於食。天錫遂中毒而死。舉後爲大元兵所殺。楊鵬。字



# 永樂大典

卷四八〇

飛卿能詩。愛申送其族與名。或曰一名作哥。本號縣鎮防軍。累功遷軍中總領。李文秀據秦州。宣宗詔鳳翔軍討之。軍圍秦州城。時愛申在軍中。有罪當死。宣宗問之。樞帥有知其名者。奏此人將帥材忠實可倚。宣宗命馳放之。以爲德順節度使。行元帥府事。正大四年春。大兵西來。擬以德順爲坐夏之所。德順無軍。人甚危之。愛申識鳳翔馬肩龍。舜卿者可與謀事。乃遺書招之。肩龍得書欲行。鳳翔總管承遠嘉圖。鑑以大兵方進。吾城可恃。德順決不可守。勸勿往。肩龍曰。愛申平生未嘗識我。一見許爲知己。我知德順不可守。往則必死。然以知己。故不得不爲之死耳。乃舉行。奉付族父。明爲死別。冒險而去。既至。不數日。愛申圍城中。惟有義兵鄉軍八九千人。大兵舉天下之勢攻之。愛申假舜卿鳳翔總管府判官守禦。一與共之。凡攻百二十晝夜。力盡乃破。愛申以劍自刎。時年五十三。軍中募生致肩龍。而不知所終。臺諫有言。當贈德順死事者官。以勸中外。詔各贈官配食褒忠廟。肩龍字舜卿。死平人。先世遼大族。有知興中府者。故人號興中馬氏。祖大中。金初登科。節度全錦兩州。父成誼。明昌五年登科。仕爲京兆府路統軍司判官。肩龍在太學有賦聲。宣宗初。有誣宗室從坦殺人。將置之死。人不敢言其寃。肩龍上書。大略謂從坦有將帥材。少出其右者。臣一介書

永樂大典卷四百八十

二十一

生無用於世。願代從坦死。留爲天子將兵書奏。詔問汝與從坦交分厚歟。肩龍對曰。臣知有從坦。從坦未嘗識臣。從坦寃人不敢言。臣以死保之。宣宗感悟。赦從坦。授肩龍東平錄事。委行省試驗。宰相侯摯與語不契。留數月罷歸。將渡河與排岸官紛競。搜篋中得軍馬糧料名數及利害數事。疑其爲姦人。偵伺者繫歸德獄。根勘適從坦至。立救出之。正大三年。容鳳翔元帥愛申深器重之。至是同死於難。禹顯。鴈門人。貞祐初。隸上黨公張開累以戰功授義勝軍節度使。兼沁州招撫副使。元光二年四月。大師連兒。解按察兒攻河東。張開遣顯扼龍猪谷夾攻。敗之。擒元帥韓光國。獲輜重甲仗甚衆。追至祁縣而還。所歷州縣悉復之。顯將軍三百人守襄垣。八年不遷。大帥嘗集河朔步騎數萬攻之。至於數四不能拔。既而戰於玉女寨。大獲。開言於朝。權元帥右都監。正大六年冬十二月。軍內變。城破。擒帥義之。不欲加害。初以鐵繩鈐之。既而密與舊部曲二十人遁去。聞上黨公軍復振。將往從之。大兵四向來追。顯適與負釜一兵相失。乞飯山寺中。僧走報。馬被執。不屈死。時年四十一。秦州人張邦憲。字正叔。登正大中進士第。爲永固令。天興二年。避兵徐州。卓翼率兵至城。邦憲被執。將驅之北。邦憲罵曰。我進士也。悞蒙朝廷用。爲邑長。可從汝曹反耶。遂遇害。劉全者。彭

城民也。率鄉隣數百避兵。沫濤推為岩主。北兵至徐。盡俘其老幼。金父亦在其中。北兵質之以招全。全縛其人送徐州。因竊其父以歸。徐帥益都嘉其忠。承制以為昭信校尉。進領彭城縣尉。後遇國用。安怒其不附己。先殺馬慶祥。字瑞寧。本名習禮吉思。先世自西域入居臨洮狄道。以馬為氏。後徙家淨州天山。泰和中。試補尚書省譯史。大安初。衛王始通問。大元遣使副。上曰。習禮吉思。智辯通六國語。往必無辱也。使還。授開封府判官。內城之役。充應辦使。不擾而事集。未幾。大元兵出陝右。朝廷命完顏仲為鳳翔元帥。舉慶祥為副。上曰。此朕志也。且築城有勞。即拜鳳翔府路兵馬都總管判官。元光元年冬十一月。開大特萌古不花將攻鳳翔。行省徵慶祥與治中胥謙分道清野。將行。命畫工肖其貌。付其家人。或曰。君方壯。何乃為此不祥。慶祥曰。非汝所知也。明日遂行。遇先鋒于澮水。戰不利。且行且戰。將及城。會大兵。邀其歸路。慶不能脫。令其騎曰。吾屬荷國厚恩。竭力効死。乃其職也。諸騎皆曰諾。人殊死戰。良久。矢盡。大兵圍數匝。欲降之。軍擁以行。語言往復。竟不屈而死。年四十有六。元帥郭仲元與其尸以歸。葬鳳翔普門寺之東。事聞。詔贈輔國上將軍。恒州刺史。謚忠愍。胥謙及其子嗣亨亦不屈死。謀贈輔國上將軍。彰化軍節度使嗣亨贈威遠將軍。鳳翔府判

永樂大典卷四百八十

官。棗州金勝堡提控僕散胡沙亦死。贈銀青榮祿大夫。正大二年。哀宗詔褒死節士。若馬習禮吉思。王清。田榮。李貴。王斌。馮萬奴。張德威。高行。曹程。濟。姬。玘。張山。等十有三人。為立張忠廟。仍錄其孤二人者。逸其名。餘亦無所考。商衛字平叔。普州人。至寧元年。特恩第一人。授鄜州洛郊主簿。以廉能。換鄜州。尋辟威戎令。興定三年。歲飢。民無所以糴。衛白行省。得開倉賑貸。全活者甚眾。後因地震。城圯。夏人乘釁入。侵衛率蕃部土豪守禦。庶敵。保以無虞。扶滿縣人為立生祠。再辟原武令。未幾入為尚書省令史。轉戶部主事。兩月。拜監察御史。哀宗姨鄰國夫人。不特入宮闈。干預政事。聲跡甚惡。衛上章極言。自是鄰國被召。乃敢進見。內族慶山奴將兵守盱眙。與李全戰。敗。朝廷置而不問。衛上言。自古敗軍之將。必正典刑。不爾。則無以謝天下。詔降慶山奴為定國軍節度使。戶部侍郎。權尚書曹溫之女在掖庭。親舊干預權利。其家人填委諸司。貪墨彰露。臺臣無敢言者。衛歷數其罪。詔罷溫戶部。改太后府衛尉。再上章言。溫果可罪當貶逐。無罪則臣為妄言。豈有是非不別。而兩可之理。哀宗為之動容。乃出溫為汝州防禦使。未幾為右司都事。改同知河平軍節度使。未赴。改樞密院經歷官。遣領昌武軍同知節度使事。丞相完顏賽不領陝西行省。奏衛為左右司員外



郎密院表留有旨行省地重急於得人可從丞相奏明年召還行省再奏留之正大八年以母喪還京師十月起復為秦藍總帥府經歷官天興元年二月關陝行者徒單兀典等敗於鐵嶺衡未知諸帥存歿招集潰軍以須其至遂為兵士所得欲降之不為屈監至長水縣東岳祠前誘之使招洛陽衡曰我洛陽識何人為汝招之耶兵知不可誘欲梓其中衡瞋目大呼曰汝欲脅從我耶終不肯降望闕瞻拜曰主將無狀亡兵失利臣之罪責亦無所逃但以一死報國耳遂引佩刀自剄年四十有六正大初河間許古詣闕拜章言八座率非其材省寺小臣有可任宰相者不大升黜之則無以致中興章奏詔古赴都堂問孰為可相者古以衡對則衡之材可知矣木甲脫魯仄上京人世為北京路部長其先有開國功授北京路宋阿答阿猛安脫魯仄自幼襲爵貞祐二年宣宗遷汴率本部兵赴中都扈從上喜特授御前馬步軍都總領宋人略南鄙命同簽樞密院事時全將大軍南伐脫魯仄率本部屢摧宋兵破城寨以功遂授武昌軍節度使元帥右都監行蔡息等路元帥府事既而宋人有因畜牧越境者邏卒擒之法當械送朝廷脫魯仄曰國家自遷都以來境土日蹙民力彫耗幸邊無事人稍得息若戮此曹則邊界復生兵連禍結矣不如釋之以絕兵端

哀宗即位授鎮南軍節度使蔡州管內觀察使行戶工部尚書時大元兵入陝西乃上章曰宋人與我為讐敵頃以力屈自保非其本心今陝西被兵河南出師轉戰連年不絕兵死于陣民疲于役國力竭矣壽泗一帶南接行楚紅襖賊李全巢穴也萬一宋人謀知與全乘虛而入腹背受敵非計之得者也臣已令所部沿邊警斥以備非常宜勅壽泗帥臣謹斥候嚴烽燧常若敵至此兵法所謂無恃其不來恃吾有以待之之道也上是而行之二年秋傳言宋人將入侵農司令民先期刈禾脫魯仄曰夫民所恃以仰事俯育及供億國家者秋成而已今使秋無所獲國何以仰民何以給遂遣軍巡邏聽民待熟而刈宋人卒不入寇謀者又報光州汪大尉將以八月發兵來取真陽議者請籍丁男以備脫魯仄曰汪大尉恒怯人耳寧敢為此必姦人聲言來寇欲使吾民廢務也不可信已而果然叛人焦風子者汭河南北屢為反覆朝廷授以提控之職令將三千人戍遂平四年春風子謀率其眾入宋脫魯仄策之以兵數千伏鄆陽道賊果夜出此途伏發殪之七年大元兵攻藍關至八渡倉退舉朝皆賀以為無事脫魯仄獨言曰潼關險隘兵精足用然商洛以南瀕於宋境大山重複宋人不知守國家亦不能逾宋境也成大兵若由散關入興元下金房繞出襄漢

北人鄧鄩則大事去矣宜與宋人釋怨諭以輔車之勢唇亡齒寒彼必見從據其險要以備不然必敗是秋改授小關子元帥屯商州大吉口九年春從行省秦政徒單吾典將潼關兵入援至高山遇雪大兵邀擊之士卒饑凍不能戰而責脫魯仄被執不屈拔佩刀自殺楊達夫字晉卿耀州三原人泰和三年進士有才幹所至可紀召補省掾草奏章坐字誤降平涼日以詩酒自娛了無宦情會有詔徙民東入關達夫與衆游騎所執將子既爲汝所執不過一死忍裸袒以瞋天日耶遂見殺兩山潛伏之民竊覲之者皆相告曰若此好官異日祠之當作我橫嶺之神馮延登字子俊吉州吉鄉人甘業璧延登初穎悟既長事舉業永安二年登詞賦進士第調臨員簿德順州軍事判官泰和元年轉寧邊令大安元年秋七月霜害稼民艱于食延登發粟賑貸全活甚衆貞祐二年補尚書省令史尋授河中府判官兼行尚書省左右司員外郎興定五年入爲國史院編修官改太常博士元光二年知登聞鼓院兼翰林修撰奉使夏國就充接送伴使正大七年十二月遷國子祭酒假翰林學士承旨充國信使以八年春

奉國書朝見於魏縣御營有旨問汝識馮翔帥否對曰識之入問何如人曰敏於事者也又問汝能招之使降即汝死不則殺汝矣曰臣奉書清和招降豈使職乎招降亦死還朝亦死不若今日即死爲愈也明日復問汝曾思之不對如前問至再三執義不回又明日乃喻旨云汝罪應死但古無殺使者理汝愛汝頂髻猶汝命也叱左右以刀截去之延登岸然不動乃監之豐州二年後放還哀宗撫慰久之復以爲祭酒歷禮吏二部侍郎權刑部尚書明年大元兵圍汴京倉猝逃難爲騎兵所得欲擁而北行延登辭情慷慨義不受辱遂躍城旁井中年五十八烏古孫仲端本名卜吉字子正承安二年策論進士宣宗時累官禮部侍郎與翰林待制安廷珍奉使乞和于大元謁見太師國王本華繫於是安廷珍留止仲端獨往並大夏涉流沙踰葱嶺至西域進見太祖皇帝致其使事乃還自興寧四年七月啓行明年十二月還至朝廷嘉其有奉使勞進官兩階延珍進一階歷裕州刺史正大元年召爲御史中丞奉詔安撫陝西及歸權參知政事正大五年十二月知開封府事完顏麻斤出吏部郎中揚居仁以奉使不職尚書省具獄有旨釋之備再使仲端言曰麻斤出等辱君命失臣節大不敬宜償禮幣誅之奏上麻斤出等免死除名會謀降大軍事及詳太



# 永樂大典

卷四八〇

后奉佛涉下家敗國之語。上怒。貶同州節度使。哀宗將遷歸德。召翰林學士承旨兼同簽大樞親府事。留守汴京。及大元兵圍汴。日久。食盡。諸將不相統一。仲端自度汴中事變不測。一日與同年汝州防禦裴滿思忠小飲。談大學同舍事。以為笑樂。因數言人死亦易事耳。思忠曰。吾兄何故頻出此語。仲端因為一詩示之。其詩大槩謂人生大似巢燕。或在華屋。杏梁。或在村居茅茨。及秋社甫臨。皆當逝去。人生雖有富貴貧賤不同。要之終有一死耳。書畢。連飲數杯。送思忠出門。曰。此別終天矣。思忠去。仲端即自縊。其妻亦從死。明日崔立變。仲端為人樂易寬厚。知大體。奉公好善。獨得士譽。一子名愛實。嘗為護尉。奉御以誅官奴功。授節度。世襲千戶。思忠名正之。本名蒲刺篤。亦承安二年進士。烏古孫奴申字道遠。由譯史入官。性伉特。敢為。有直氣。嘗為監察御史。時中丞完顏百家以酷烈聞。奴申以事糾罷。朝士聳然。後為左司郎中。近侍局使。皆有名。哀宗東遷。為諫議大夫。近侍局使。行省左右司郎中。兼知宮省事。留守汴京。居守。崔立變之明日。同御史大夫裴滿阿虎帶自縊於臺中。是日戶部尚書完顏珠額亦自縊。阿虎帶字仲寧。珠額字仲平。皆女直進士。時不辱而死者奉御完顏怍哥。大樞親府事。吾古孫端。大理裴滿德輝。右副點檢完顏阿撒。參政完顏

永樂大典卷四百八十

二十七

奴申之子。麻。因可知者數人。餘各有傳。蒲察琦。本名阿憐。字仁卿。州陽信人。試補刑部掾。兄世襲謀克。死。琦承襲。正大六年。秦藍總帥府辟琦為安平都尉。粘葛合典下都統兼知事。其冬小關破。事勢已迫。琦常在合典左右。合典令避矢石。琦不去。曰。業已從公。死生當共之。尚安所避耶。哀宗遷歸德。汴京立講議所。受陳言文字。其官則御史大夫納合寧以下十七人。皆朝臣之選。而琦以有論議預焉。時左司都事元好問領講議。兼看讀陳言文字。與琦甚相得。崔立變後。令改易巾髻。琦謂好問曰。今日易巾髻。在京人皆可。獨琦不可。琦一刑部譯史。襲先兄世爵。安忍作此。今以一死付公。然死則即死。付公一言亦刺矣。因泣涕而別。琦既至其家。母氏方晝寢。驚而寤。琦問阿母何為。母曰。適夢三人潛伏梁間。故驚寤。仁卿跪曰。梁上人鬼也。兒意在懸梁。阿母夢先見耳。家人輩泣勸曰。君不念老母歎。母止之曰。勿勸兒所處是矣。即自縊。時年四十餘。琦性沉靜。好讀書。知古今事。其母完顏氏。以孝謹稱。蔡八兒。不知其所始。趨捷有勇。性純質。可任。時為忠孝軍元帥。天興二年。自息州入援。會大將奔蓋。遣數百騎駐城東。令人大呼曰。城中速降。當免殺戮。不然無噍類矣。於是上登城。遣八兒率挽強兵百餘。潛出暗門。渡汝水。左右交射之。自是兵不復薄城。築長

壘為久因計。上令分軍防守四城。以殿前都點檢兀林荅胡土守西面。八兒副之。已而哀宗度蔡城不守。傳位承麟。群臣入賀。班定。八兒不拜。謂所親曰。事至於此。有死而已。安能更事一君乎。遂戰死。毛佺者。惠州人。貞祐中為盜。宣宗南渡。率眾歸國。署為義軍招撫。哀宗遷蔡。以佺為都尉。圍城之戰。佺力居多。城破自縊。其子先佺戰歿。時死事者。則有閻忠。郝乙。王阿驢。樊喬為忠。滑州人。衛王時。開州刺史。賽哥叛。忠單騎入城。縛賽哥。以出。由是漸被擢用。乙磁州人。同日戰死。哀宗贈官。阿驢樊喬皆河中人。初為砲軍。萬戶。鳳翔破北降。從軍攻汴。司砲如故。即始主者曰。砲利於短。不利於長。信之。使截其木數尺。經十餘搥。由是機雖起伏。所擊無力。即日二人皆捐家走城。是時女真人無死事者。長公主言於哀宗曰。近來立功効命。多諸色人。無事時。則自家人爭強。有事則他人盡力。焉得不怨。上默然。餘各有傳。溫敦昌孫。皇太后之姪。衛尉七十五之子。為人短小精悍。性復豈弟。累遷諸局分官。上幸蔡。授殿前左副點檢。圍城中。數引軍潛出。巡邏。時尚食。須魚。汝河魚甚美。上以水多浮尸。惡之。城西有積水。曰練江。魚大且多。往捕必軍衛乃可。昌孫常自領兵以往。所待動十餘斤。分賜將士。後知其出。左右設伏。伺而邀之。力戰而死。城破。前御史監察納坦胡失。

宋樂大典卷四百八十

打聞之。慟哭投水而死。完顏絳山。哀宗之奉御也。系出始祖。天興二年十月。蔡城被圍。城中飢民萬餘。訴於有司。求出。有司難之。民大呼於道上。聞之。遣近侍官分監四門。門日出千人。必老稚羸疾者。聽其出。絳山時在北門。憫人之飢。出過其數。命杖之四十。然出者多。泄城中虛實。尋止之。三年正月己酉。蔡城破。哀宗傳位承麟。即縊于幽蘭軒。權點檢內族科烈。矯制召承御石蓋氏。近侍局大使焦春和。內侍局殿頭宋珪。赴上前。曉以名分。大義及侍從官。已良弼。阿勒根。文卿。皆從死。科烈將死。遺言絳山。使焚幽蘭軒。火方熾。于城破。大兵突入。近侍左右皆走避。獨絳山留不去。為兵所執。問曰。汝為誰。絳山曰。吾奉御絳山也。兵曰。眾皆散走。而獨後何也。曰。吾君終于是。吾候火滅。灰寒。收瘞其骨耳。其笑曰。若狂者耶。汝命且不能保。能瘞而君耶。絳山曰。人各事其君。吾君有天下十餘年。功業弗終。身死社稷。忍使暴露遺骸。與死道路者同。吾逆知君輩必不遺吾。吾是以留。果瘞吾君之後。雖寸斬。吾不恨矣。兵以告其帥。奔蓋曰。此奇男子也。許之。絳山乃振其餘燼。暴以弊衾。瘞于汝水之旁。再拜號哭。將赴汝水死。軍士救之。得免。後不知所終。畢資倫。縉山人也。泰和南征。以備顧從。軍軍還。例授進義副尉。崇慶元年。改縉山為鎮州。木虎高琪為防禦使。行元帥府事。



于是州選資倫爲防城軍千戶。至寧元年秋，大元兵至鎮州，高琪棄城遁。資倫行及昌平，收避遷民兵，轉戰有功，擢授都統軍，軍數千，與軍中將領沈思忠、審子都、董同、隸一府，屯鄭州及衛州。時號沈畢軍，積功至都總領。思忠爲副都尉，僕散阿海南征，軍次梅林關，不得過，阿海問諸將誰能取此關者，資倫首出應命，問須軍士幾何，曰：止用資倫所統足矣。不煩餘軍。明日遲明，出宋軍不意，引兵薄之，萬衆崩，遂取梅林關。阿海軍行南行，留提控王祿軍萬人守關，不數日，宋兵奪關守之。阿海以梅林歸途爲敵據，計無所出，復問誰能取梅林者，以帥職賞之。資倫復出應命，以本軍再奪梅林。阿海破斬黃，按軍而還，論功資倫第一。授遙領同知昌武軍節度使。宣差總領都提控既而極密院以資倫思忠不相能，恐敗事，以資倫統本軍屯泗州。興定五年正月戊戌，提控王祿湯餅會軍中宴飲，宋龜山統制時青乘隙襲破泗州西城，資倫知失計，墮南城求死，爲宋軍所執。以見時青，時青說之曰：畢宣差我知爾好男子，亦宜相時達變。全國勢已衰弱，爾肯降我，宋亦不負爾。若不從，見劉大帥即死矣。資倫極口罵曰：時青逆賊聽我言，我出身至貧賤，結柳器爲生，自征南始得一官，今職居三品，不幸失國家城池，甘此一死，尚不能報，肯從汝反賊求生耶？青知無降意，下盱眙。

獄時臨淮令李某者亦被執，後得歸，爲泗州從宜，移刺羊哥言其事。羊哥以資倫惡語罵時青，必被殺，即以死不屈節聞于朝。時資倫子牛兒年十二，居宿州，收充皇后位奉閣舍人。宋人亦以資倫忠憤不撓，欲全活之，鈴以鐵繩囚于鎮江府土獄，略給衣食，使不至寒飢脅誘。百方時一引出問云：汝降否？資倫或罵或不語。如是十四年，及盱眙將士降宋，宋使總帥納合賞住，已下北望哭拜，謂之辭故主，驅資倫在旁觀之。資倫見賞住罵曰：納合買住，國家未嘗買汝，何所求死不可？乃作如此紫鼻耶？賞住俯首不敢仰視。及蔡州破，哀宗自縊，宋人以告資倫，資倫嘆曰：吾無所望矣。容我以祭吾君，乃降耳。宋人信之，爲屠牛羊設祭，鎮江南岸，資倫祭畢伏地大哭，棄其不防，投江水而死。宋人義之，宣示四方，仍議爲立祠。鎮江之囚有方士者，親嘗見之，以告元好問，及言泗州城陷，資倫被執事，且曰：資倫長身，面赤色，額頰微高，髻疏而黃，資稟質直，重然諾，故堅忍守節。卓卓如此。宣宗實錄載資倫爲亂兵所殺，當時傳聞不得其實云。郭蝦蟆會州人，世爲保甲射生手，與兄祿大俱以善射應募，興定初，祿大以功遷，遂授同知平涼府事，兼會州刺史，進官一階，賜姓顏。蓋夏人攻會州，祿大遙見其主兵者，人馬皆衣金，出入陣中，約二百餘步，一發中其吭，殪之，又射一人。

矢貫兩手於樹敵大駭城破祿大蝦蟆俱被禽夏人憐其技囚之兄弟皆誓死不屈朝廷聞之議加優獎而未知存沒乃特遷祿大子伴牛官一階授巡尉職以旌其忠其後兄弟謀奔會自拔其鬚事覺祿大竟為所殺蝦蟆獨拔歸上思祿大之忠命復遷伴牛官一階遷授鞏州鈐轄會言者乞獎用祿大弟遂遷蝦蟆官兩階授同知蘭州軍州事興定五年冬夏人萬餘侵定西蝦蟆敗之斬首七百獲馬五十四以功遷同知臨洮府事元光二年夏人步騎數十萬攻鳳翔甚急元帥亦蓋合喜以蝦蟆總領軍事從巡城濠外一人坐胡床以箭力不及氣貌若蔑視城守者合喜指似蝦蟆云汝能射此人否蝦蟆測量遠近曰可蝦蟆平時發矢伺腋下甲不掩處射之無不中即持弓矢伺坐者舉肘一發而斃其退升遷授靜難軍節度使尋改通遠軍節度使授山東西路幹可必剌謀克仍遣使賞賚徧諭諸郡焉是年冬蝦蟆與鞏州元帥田瑞攻取會州蝦蟆率騎兵五百皆被赭袖蔽州之南山而下夏人猝望之以為神城上有舉手於懸風版者蝦蟆射之手與版俱貫凡射死數百人夏人震恐乃出降蓋會州為夏人所據近十年至是復焉至大初田瑞據鞏州叛詔陝西兩行省併力擊之蝦蟆率眾先登瑞開門突出為其弟濟所殺斬首五

千餘級以功遷遷授知鳳翔府事本路兵馬都總管元帥左都監兼行蘭會洮河元帥府事六年九月蝦蟆進西馬二匹詔曰卿武藝超絕此馬可充戰用朕乘此豈能盡其力既入進即尚廐物也就以賜卿仍賜金鼎一玉兔鶻一并所遺郭倫哥等物有差天興二年哀宗遷蔡州慮孤城不能保擬遷鞏昌以粘葛完展為鞏昌行省三年春正月完展聞蔡已破欲安眾心城守以待嗣立者乃遣人稱使者至自蔡有旨宣諭綏德州帥汪世顯者亦知蔡山間且蔡完展制已欲發矯詔事因以兵圍之然懼蝦蟆威望乃遣使約蝦蟆併力破鞏昌使者至蝦蟆謂之曰粘葛公奉詔為行省號令孰敢不從今主上受圍於蔡擬遷鞏昌國家危急之際我輩既不能致死赴援又不能叶眾奉迎乃欲攻粘葛公先廢遷幸之地至上至何所歸乎汝帥若欲背國家任自為之何及於我世顯即攻鞏昌破之劫殺完展送款於大元復遣使者二十餘輩諭蝦蟆於禍福不從甲午春金國已亡西州無不歸順者獨蝦蟆堅守孤城丙申歲冬十月大兵併力攻之蝦蟆度不能支集州中所有金銀銅鐵雜鑄為砲以擊攻者殺牛馬以食戰士又自焚廬舍積聚曰無至資兵日與血戰而大兵亦不能卒拔及軍士死傷者眾乃命積薪於州廨呼集家人及城中將校妻女閉諸一室將自焚



永樂大典

卷四八一

之。蝦蟆之妾。欲有所訴。立斬以徇。火既熾。率將士於火前。持滿以待。城破。兵填委以入。鏖戰既久。士卒有弓盡矢絕者。挺身入火中。蝦蟆獨上大草。積以門扉自蔽。發二三百矢。無不中者。矢盡。投弓。劔于火。自焚。城中無一人肯降者。蝦蟆死。時年四十五。土人爲立祠。完展字世昌。太和三年。策大進士。初爲行省。以蠟丸爲詔。期以天興二年九月。集大軍。與上會於鏡峯關。出來不意。取興元。既而不果云。

永樂大典卷之四百八十

永樂大典卷四百八十

三十一